

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 875 del 29/03/2023

Traduzione in cimbrio

'Z khearta dar Euregio Sport Camp: da achtege editziong von 15 sin atz 22 höbiat in Vinschgau

Djunge atlète gebortet in di djar 2009, 2010 un 2011, boroatet un abegelirnt, mang khearn zo trèffase pitt soinar groaz pegaistar. Sidar acht djar disa okasiong khinten gètt von Euregio Sport Camp. Disa initziatìf gitt zuar atz 60 djunge von Euregio Tiról, Trentino, Südtiról zo nemma toal inar intensìf boch, raich pitt ploaz sachandarn zo tüana, ankunto inar organisatziong boda haltet pittnândar di Emptar von Spòrt von drai lentar von Euregio. Di editziong vo haür bartze haltn vo atz 15 sin atz 22 von höbiat in setz von Sportif Liceo vo Malles, in Vinschgau. Ma makse innschraim lai online àhevante von 27 von lentz vo di 10.00 vort un sin azta bart soin platz, afte websait von Euregio: www.europaregion.info/sportcamp

Spòrt, spilar, un spass in spòrtcamp von Euregio

Dar sportif camp disa editziong bartze haltn atz Malles in Vinschgau in setz vodar obarschaul "Claudia de Medici".

Di toalnemmar bartn vennen an raichan progråmm boda zuargitt zo maga machan mearare sachandarn saiz alumma saiz in squadra, azpe atletik, orienteering, sbimmen, kanoa odar fussball, beach volley, spike ball, street racket, slakeline un åndre sachandarn no, zo macha alle pittnândar. Dar progråmm vodar boch lekk vür darzuar zo giana ummar pa pèrng un workshop pitt laüt bodasen drinndarkhennen über mearare sektör von spòrt. Alenatör muatarzung taütsch un belesch bartn helvan in djungen zo vorstianase un zo lirna, odar zo pezzra di zungen.

Organisatziong

Di toalnemmar bartn gian z'stiana in kolèdjo Viso Malserhof vo Malles. Zo nemma toal mochtma zaln 150 euro un drinn barta soin: herbege, èzzan un slavan, soin draugeschauged un alle di sachandarn boda soin in progråmm. Balma sait inngeschribet bartma nemear mang hãm bidrømm 'z gètt gezalt. Dar sportif camp bart khemmen durchgevüart in dupplzung un alle di sachandarn bartn soin gemacht in di muatar zung von toalnemmar.

Innschraimung von 27 lentz 2023 vo di 10.00 vort

Ma makse innschraim afte sportif boch lai online àhevante vo di 10.00 von 27 von lentz 2023. Ma bart khemmen ågenump nå un nå azta khemmen inngètt di vorsch un sin azta bart soin platz. Vor aniaglaz lånt von Euregio barta khemmen nidargelekk an roatordung von sèlln boda soin inngeschribet un mochan paitn zo khemma ågenump. Vor allz daz sèll boda iz zo mocha bizzan in möglich gian afte websait www.europaregion.info/sportcamp.

Übarsetzt von Schaltarle vor di zung von Toalkamou vodar Zimbar Hoachebene

(cdt)